

Öise Lade 9-2010, p. 50

Confitura d'ampuaunas selvadias e marmelada d'apricosas cun prosecco, bagiaunas sterilisadas, chantarels en aschieu, murachels e chastagnins setgentads, sirup



Ils regals

ils pli prezius

da flurs-suvi e da melissa, menta e salvgia setgentada, merengs da differents gusts e da tutta sorts biscuits, cognac d'ovs, zutger da frajas, crema da limoncello ed autras delicatessas fatgas sez. Hmmm, tge datti meglier. Cura che jau survegn u regal tals daletgs per la bucca, è quai per mai insatge ordvart particular. Las spezialitads fatgas sez n'èn per mai betg mo ils regals ils pli prezius, perquai ch'ins n'als po betg cumprar en mintga butia, mabain cunzunt perquai ch'ins regala u survegn regalà cun quels products temp ed amur. Tenor mai dus dals bains ils pli custai-vels insumma! Quantas uras ha il rimnabulieus investi per chattar ils bulieus gustus en lieux allontanads e bain zuppads, quant temp ha la cuschiniera duvrà per preparar, coier ed emplenir vaiders, buttiglias e satgets, e tut quai per far ad insatgi in plaschair? In gest nunpajabel! Pensai a mes plets, charas lecturas e chars lecturs, cura che Vus survegnis la proxima giada ina confitura u in paun fatg sez. La persuna che regala quel sto propi avoir gugent Vus, uschiglio na surdess ella a Vus betg in regal talmain singular e da gronda valur. As laschai inspirar da las ideas per regals fatgs sez che Vus chattais en questa revista e mussai era Vus quant gugent che Vus avais insatgi. Stai bainin!

A handwritten signature in black ink, which appears to read 'Angela Schmed'. The signature is fluid and cursive.

Angela Schmed